

Ո Ր Ո Շ ՈՒ Մ Ն 80

վարչական գործի վարույթը կարճելու մասին

18 փետրվարի 2021թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Արամ Սուկասյանի (Վրաստանի Հանրապետության քաղաքացի, անձն. 15BB98661) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Արամ Սուկասյանը (Aram Sukasyan) 05.02.2020 թվականին թիվ 05100022/050220/0000625679 մաքսային մուտքի օրդերով 366 օր ժամկետով՝ մինչև 05.02.2021 թվականը ՀՀ տարածք է ներմուծել 1995թ. արտադրության MERCEDES BENZ C220 մակնիշի, TQ759QT պետհամարանիշի, VIN-WDBHA22E9SF199181 նույնականացման համարի ավտոմեքենա, սակայն խախտել է հետագա արտահանման պարտավորությունը:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի պետի տեղակալի կողմից 11.02.2021 թվականին Արամ Սուկասյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 16.02.2021 թվականի թիվ Ն/2-5/24287-2021 գրությամբ տրամադրված տեղեկությունների համաձայն Արամ Սուկասյանը 05.02.2020 թվականին Բավրայի սահմանային անցակետով ՀՀ է ներմուծել

MERCEDES BENZ մակնիշի, TQ759QT պետհամարանիշի ավտոմեքենա, սակայն հետագա արտահանման պարտավորությունը չի կատարել:

ՀՀ կառավարության 2020 թվականի մարտի 16-ի թիվ 298-Ն որոշմամբ Հայաստանի Հանրապետությունում հայտարարվել է արտակարգ դրություն: 2020 թվականի ապրիլի 13-ի թիվ 543-Ն որոշմամբ այն երկարաձգվել է՝ Հայաստանի Հանրապետությունում գործող արտակարգ դրությամբ պայմանավորված իրավիճակով:

Պարետի կողմից 24.03.2020թ. կայացվել է N 16 որոշումը Հայաստանի Հանրապետության ողջ տարածքում անձանց տեղաշարժի սահմանափակումների վերաբերյալ:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենսգրքի ի 247-րդ հոդվածի 1-ին մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե առկա է վարչական իրավախախտման դեպքի կամ կազմի բացակայություն:

Հիմք ընդունելով վերոնշյալ իրավակարգավորումը և հաշվի առնելով, որ Արամ Սուկասյանն իր կամքից անկախ պատճառներով հնարավորություն չի ունեցել կատարելու թիվ 05100022/050220/0000625679 մաքսային մուտքի օրդերով ժամանակավոր ներմուծված ավտոմեքենայի հետադարձ արտահանման պարտավորությունը, ուստի նման պայմաններում իրավախախտման կազմը բացակայում է:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝


Ո Ր Ո Շ Ե Ց Ի

1. Արամ Սուկասյանի նկատմամբ հարուցված վարչական գործի վարույթը կարճել՝
իրավախախտման կազմի բացակայության պատճառաբանությամբ:
2. Որոշման մասին հայտնել Արամ Սուկասյանին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ն.ԳԵՎՈՐԳՅԱՆ